



Do döes partidas debles se lascia La Val ince tó dal Mühlwald i trëi punc. I ladins va en vantaje tl pröm tēmp mo vëgn rosedà dai avversars y dales dezijiuns dl'arbiter tla secunda pert.

La squadra da La Val ne á mai albü gran simpatia por i avversars da Mühlwald. Intres é les partidas decuntra dër sintides sides da pert dl publich, sides da pert di sogadus y caraterisades da en jüch gro y da stritaries. I ladins ó se refà dles ultimes döes pordüdes, cina les prüm tēmp sumēia che La Val à la partida tles mans, mo cun l'aiüt dl'arbiter che conzed dui önescmetri der tl dübe sce nia inesistēnc, ti gareta ai avversars de rosedé le resultat.

Atira é La Val che va al'atach, sön na trata dal ciantun é Stefan che rebat de cé cuntra porta mo la reaziun dl portier avversar è ejemplara y salva le resultat. Al ne passa nia tröp, al 20[^] conzed l'arbiter la mascima puniziun sön en fal defensif dl Mühlwald, ala trata se presentēia le defensur Marco che tira bun sön la man dërta, le portier é bun da se destrá a deloj le palé te ciantun. La medema trata dal ciantun vëgn abinada da Stefan che crossēia amez y Marco deloj inant de cé por Adrian, chësc ultim á ma plö bria de spizuré le curan te rēi. Sön le vantaje ladin devēnta i avversars nervusc y fej gran druch cuntra la defenjiun. Prigorosa la puniziun dal limit al 40[^], le portier Sepl desfantēia la trata indirizada sön le pé de porta.

Le pröm tēmp se stlūj jö sön le 1 a 0 por La Val.

A mēt man bun le secundo tēmp é i pustri, che ne lascia nia sughé le palé ai ghesch. En palé arlungé rōia a trēi atacanc daldöt fora de jüch, le arbiter ne archita nia y i lascia jì súsc cuntra porta. Gran fortüna che Sepl é bun de architè la trata. Al 55[^] vëgn Luca P. sorví cun na passaja filtranta cuntra porta, le control ne é nia le miú y le palé cogora ados al portier. Al 60[^] se fej le sogadù puster lerch da na pert it y toma a tera, l'arbiter posizioné dalunc á udü che le defensur à stracé jö l'atacant cun le brac, la protesta por l'invenziun dl'arbiter ne é por nia: le önescmetri conzdü dër tl dübe vëgn trasformé. Al passa püc menüc che al suzed la secunda morvōia, sön na crossada toma l'atacant ados al defensur da La Val, te n gran cajan amez area se vëiga l mandl fosch chilò n fal de man daldöt inesistēt, al conzed la secunda mascima puniziun. I ladins dessenà por la dezijiun subësc le secundo gol. L'ultim gol che ti taia les giames ai ghesch rōia al 80[^], dal mezciamp pëia ia na bela crossada por l'atacant che rebat de cé le curan te porta. Ti ultims menüc regnëia sön le ciamp cajan y nervosism. I sogadus da La Val lascia insciö le ciamp sot i scrai d'esultaziun dl publich de ciasa, dessenà por la debla direziun arbitrala mo ince cosciënc de avëi lascé dô la determinaziun desmostrada dl pröm tēmp.

Mühlwald – La Val : 3 - 1

Formaziun La Val: 1. Sepl Kantioler, 2. Marco Sottara, 3. Werner Sottara 4. Paolo Vallazza, 5. Marco Castlunger, 6. Christian Dapoz, 7. Luca Pescollderung, 8. Max Nagler (dal 75[^] Felix Nagler), 9. Adrian Miribung (dal 45[^] Alexander Miribung), 10. Stefan Sottara - capitan, 11. Franz Tolpeit (dal 80[^] Samuel Winkler)

Gol por La Val: Adrian Miribung al 20[^]

Proscima partida: *La Val süga en domënia ai 30 de auri dales 16:00 a La Val cuntra le Percha*

Atri resultat:

Altherren (La Val): La Val – Terenten 0-3

Juniores (Val Badia): Val Badia – Vahrn 2-1

Aliefs (La Val): Eggental – La Val 1-3

Giovanissimi (la Val): La Val – Porsenù 1-0

U10 (S. MartinLa Val): S. Martin/La Val – Taufers 0-6

